

養素堂詩集

養素堂詩集卷二十三

老成張澗外集

西歸集

壬辰癸巳甲午乙未

西歸舟至瀝口見峯姪

其德

貽詩送別依韻會之

作吏何曾播德音當時悔不入山深卽今草草勞人賸卻見星  
星愛我心王粲依劉終作計時見峯在劉馱園觀察幕中皋魚失恃敢耽吟  
扁舟大別峯岸駐別緒怱怱那可禁

元詩

其德

同憶兒時聽好音春明画省紫雲深落塵原是神仙劫濟  
世常存父母心叔由翰林改邑宰愛民如子瀝上行旌經幾度樓中吹  
遂似長吟而今讀到江淹賤猶子佗鄉感不禁

滙江舟行甚遲兀坐有述

帆落逆風行何曾桂楫橫十人牽百丈七日忝三程無米愁飢  
僕攤花惹笑嬰搖搖舟不定我亦切心旌

泛櫂亦多時依然岸不移峯遙青在目波靜綠生皮回憶匡廬  
雪因懷滙水池何時登峴首仍欲問風姨

最怕酒杯空瓶罌問小童澆愁天亦醉望遠地何窮客思蘭山  
北鄧籤瀆水東幾回看樹杪爲乞一帆風

西來下水船穩坐儼如仙健羨翻生妒淹遲果孰牽松楸故國  
夢書卷禮堂編何日襄陽泊爲尋書舊賢

爲汪介菴

念祖

題唐太宗集賢殿朝正元日詩手蹟

平生最薄小山賸宮體輕妍近六朝何以朝正元日作詩章偉  
壯字雄超

劇憐蕭翼賺蘭亭忽見昭陵玉版形等殿手書今竟在不知何  
目字能青

題趙文敏手書范石湖田家四時詩卷

曾上鴟岡松雪亭低徊舊跡月窺屏家雞野鷺人爭說賴有王  
孫筆破腥

石湖詩句本清雫承旨揮毫秀吐花可憎冬青別人種墨波應  
變作泥沙

爲汪介菴題陳白沙示學手蹟

晉聞歸落人不肯注蟲魚亦聞講學人最鄙是工書考亭攀阿  
瞞招毀未來譽其實皆讐說侯岡伯豈虛不見張有道墨池染  
衣裾白沙亦譚理字乃縱橫如何必画太極秋兔夜歛歛

題趙清獻公手書

一鶴一龜兼一琴誰知夜半告天心淋漓醉墨仍蕭灑勝是涪  
翁生鑄金

題汪介菴

念祖小影

本是心如面居然影問形儻將秦鏡照肝膽亦雙清

家芥航

井河帥兄引疾西歸相見驩甚呵凍賡此

雨雪滿長安君來我意歡奇書容僧讀晉酒許同乾天地留冬

氣山川返舊觀故人時造訪仍得是眼寬

暫襲屠龍手青門作故侯觀渠成國渡望嶽瀕靈樓弗鬱吾山

夢村畱霸水愁局中那料得閒話卽良謀

時修霸橋河係沙底君謂難以安柱恐積

陀不久也

仍是書生味碑林訪舊碑瀝唐文未泐金石史之支接集先賢

傳流傳故友詩

爲陳玉山刻席門詩集

壯懷猶鬱律拔劍仰天時

我亦擲黃銅隨君策緩驄榛娥臺上月簫史嶺埤風亦足稔期

暢何妨臭味同佗季承

詔出應念杜陵翁

家芥航兄於嘉平月惠酒一壺酒餘無幾詩以調之

人言壯在書愚自道高陽酒徒且學淵明乞法名臚身後何須  
忽傳經至恭迎今歲屠蘇樂并那料元符脫帽竟成身有先生  
初疑畢卓偷飲翻被公榮謔人恨少壺公妙術濫觴徒向江岷  
達士累於此物引入勝幾何儻然杯不離口詰旦優持空螺  
芥航兄以癸巳除夕甲午元旦二詩見示卽和其韻

乍洗芻中數斗塵爲憐開府句清新街頭伐鼓然薪夜夢裏乘  
舟作楫身纔到歲尊能紀麗縱然詩祭亦勞神不知衝雪梅多  
少先折高枝寄隴人

人客紛來那閉扉世情偏是愛新衣事因如願方藏帚養到和  
神自息機客裏光陰書勢瘦春時雨雪菜苗肥惟君并我同懷

抱平子無田也賸鱸

又和并韻

我亦冠纓早濯塵青門兩度逐季新酒糟聊爾醉司命豆粥那  
能扶病身不信揚雄貧逐鬼翻驚杜甫筆如神平生自信癡多  
有底事將癡賣弄人

縣符插葦敝柴扉度尾何妨著浣衣幻夢覺飛翹元會芳辰律  
動運冥機小兒女愛餻膠膩老僕婢爭羊豕肥歲月雖新人已  
舊側身天地竟何歸

人日作示芥航兄

那得登高逐退之梅花柳色起鄉思草堂何在徒空憶悽絕達



夫人曰詩

芥航兄爲余刊諸葛忠孝侯集用除夕元旦韻志謝

扶漢勲名渺絕塵遺文何幸聚梨新孤忠譽譽時籌筆雅志昭  
昭早許身八陳風雷今作響三巴牛馬皆疑神平陽相後尋篇  
目想見綸巾羽扇人

榮名展脫兩荆扉料得先生愛芰衣共仰仲功知水則又從諸  
葛識兵機李虔能喻言辭碎何諷當逢脈望肥儻刻琴經昇圖  
譜知音不復讓虞歸

擬四愁詩懷劉孝廉

澄源

我所思兮在龍城條茂關丹石縱橫靈泉不竭激復清何日歸

來看月明弇子共聽紫簫聲

我所思兮在靈淵蘭橈管泛岑參船兼葭滿目起蒼煙緒爾飛  
翔五色鮮弇子共采椒天仙

我所思兮在祁連軒皇金液山之巔肩吾得道幾千平魏菴馬  
埒從同旋弇子射獵黃羊川

我所思兮在允吾大雲高塢飛金霞鐘聲曉夜雜悲笳西夏碑  
字篆龍蛇弇子潤渴香羅紈

甲午四月十五日西歸省墓

不拊松楸近廿年秋霜春露意淒然世人都說兒孫好何以瀧  
阡少墓田

鹿塞龍城道路長  
茨充車馬陟高岡  
先人定恕兒疏節  
影隻形單夢亦涼

邠州道中

撲面塵沙目欲昏  
蕭閒何日住煙邨  
頻年勞我雙輪鐵  
矮屋彈佗兩柱鵲  
尚見古公陶穴在  
竟無馮羽陳雲屯  
關心瓜棗秋來熟  
敵得東牆伯夕飧

周太王祠

亶父居幽日昆侖  
肆虐辰艱難肇王業  
耆老頌仁人陶復  
星流火燕羊酒醉  
春至今遺廟在社  
鼓賽明神

蒿店酒

且漫忝莫忘舊店酒

俗語

酒苦價廉容易沽行人爭咽喚出口我

亦炎天驅征輪呼童買來潤渴脣一壺兩壺尚未足笑他不如  
下若春到此那求自勝吸深澗水水多沙泥可能觸齒僕夫嚴  
駕催赴路回首青帘又西去

### 宿長芷訪昭仁寺碑

淺水原邊戰壘殘黃雲白日總懷寒穹碑拂拭落生字古寺流  
連草沒欄仁果頭顱件政血朱奢文筆世南翰此時尚未車書  
一便勒豐功身後看

### 過皇鰲館有感

在長芷縣

習我赴京弩秋過長芷縣茂宰李荷莊館我薦芳饗銀蒜鉤筠

簾雕欄繞院雖未極壯麗亦足憩徂倦到今幾何時積垣僅  
四面荒榛穴鼯鼯芳草藏獫狫誰毀棟梁過客不得宴褻城  
驛壁記讀之色應變

亭口水

亭口水清且駛沙皚皚石齒齒褰裳涉深沒髀居者汲攜甕  
牛馬朝夕亦飲此中有五寸錦鱗鯉土人食鰓飢未曾登諸匕

涇州懷古

太尉戴頭來誇軍色死灰可憐郭駙馬不及汾陽才

同中宮

不見當季舊牡丹

李義山有同中宮看牡丹詩

降真老樹半枯乾夜深平鶴

空桐至月裏一聲松影寒

白雲薜落歸何處黃竹摧殘無一枝陶穀文辭信清麗數回來  
上爲觀碑

涇水龍女曲

風鬢雨縠愁何許自言洞庭龍宮女嫁得涇河老龍兒夫也不  
良牧羊苦何意辭唐河東郎腹出魚書託遠將金釵試叩雙橘  
樹果有老士握衣裳龍君開函掩面泣須臾哭聲震鱗堂那知  
惱殺錢塘君奔雷激電驅烏雲轉瞬已將孽婿極迎得嬌女旋  
凱軍感恩出拜重相見芳容似較笄時變願并君子結絲蘿阿  
叔冰人敢自薦柳生聞之確然辭止乎禮義詩序傳神靈變幻

理無疑佳人薄命信有之水府幽深君至止寡人闇昧君所知  
歸去莫爲外人道佗年把轡焉可期

過平涼懷孫太初先生

江湖放浪去胡不賒歸來吸酒長鱸氣吟詩變雅才有時狂痛  
哭於世少嫌猜山人署太白誰識王孫哀

平涼府學博白後園

毓等

畱飲感賒

恠君白髮已成鬢而我朱顏又改頰十載梅花未寄隴三更皓  
月猶停驂人閒尚詫坡公在醉後聊將犬子譚故里松楸時入  
夢空桐未暇看煙嵐

訪王徵君潛夫故里

爲訪潛夫宅誰知食雁人東京橫處士惟爾善韜真  
王充著論衡犁牛喻所生此書須燒卻不解伯喈情  
誦君貢實篇語語得真詮北學久荒落何人續此編

空桐山

宇內空桐五軒皇此駐驂昆圖車絡繹張若馬蹇蹇平鶴披雲  
舞蒼蚪駕月探廣成今不見妙道寄煙嵐

柳湖書院

絲柳穆穆拂碧波書聲繚繞入煙蘿海峯謝世替莊沒  
冀名景  
漸知平  
涼縣秦名震  
鈞知平涼府  
畱得翳支舞孟婆

彈箏谷



薄落水去悠悠翳穿澗石曲折流琤琤切激清響瀉出萬古  
行人愁樹上伎兒鳥悲鳴向枝繞哀似張女搗清如列和挑忽  
然風雨促四山喧絲竹試問鳴琴川何如彈箏谷

鉞頭山

黃帝駐龍旂空桐訪道秋順風趨石室返馭指丹丘雲氣熊湘  
合神光鼎劍流鸞膏回夢後七聖別山頭

靜寧州早行

肅駕雖三唱登車月已沈殘星猶在天餘光入疏林冷氣幃帷  
逼毛骨寒風侵縮足方危坐丁東牛鐸音不愁衣衾薄但願膏  
雨陰山田苗勃然慰彼老農心

王公橋行

王公橋山嶠嶢行人到此都魂銷橋已圯徑路絕穴深窅紛  
裂將上卽下纔轉復折泥甌常染馬蹏血何況疲牛駕彼崇輶  
數步一憩吐舌二寸汗殷流晴天且蹉跌遇夏霖冬雪往往顛  
覆陷凹凸嗟彼行李之人終日已極苦辛目鼻耳堆沙塵股弁  
時愁無身何不守畝把田耕何不勤學依鎧檠胡爲得得事遠  
征鬻閒劍氣徒縱橫我聞古循良所重修橋梁今時吏日驅徒  
役粉飾曲檻昇雕廊何曾問民疾苦親身自下鄉

天心篇苦旱也

自涇州至會靈苗長不三寸半已枯槁雨澤渺然意甚

憂迫乃作天心篇憫之

天心何虐酷恹雨如珠玉遂令坡陀苗蒿焦不復綠土脈原膺  
燒氣候仍寒瘕旣少泉流漑何由物產畜卽使時飛霖所穫食  
難足況乃屯其膏黃塵翳白屋山川雲若掃草木毛爲禿行旅  
喉渴驥野孳面棲鵠小兒挑菜疇老農荷鋤哭時過雨尚稽西  
成邠得穀今季飢籬空全家定楊腹哀哉吾甘民獨爲天所毒  
我欲訴眞宰上帝親面目刳肝以爲視剖膽以爲牘書此丹血  
辭上殿瞻穆穆再拜稽首言小臣螻蟻族不忍隴右人之死無  
鞠育願救風雷師迅將旱魃逐繫之囚九幽屏翳飛千轡豐隆  
驅雲飛列缺激電煜傾瓶注馳鬣河西均霑霖枯苗勃然與憂

者喜可掬石牛莫泥封竹人勿酒偏自然賜恩膏臣愚甘受戮

急雨詞

余旣作天心篇虔肅默禱詰且自會寧并邁濃雲鬱興  
久之而飄灑或太或小或止或作又久之而天霽田苗  
依然乃作急雨詞以祈之

天心果然愛吾民四野雲蒸老農欣小雨溟沐飛飛勻枯苗歟  
爾乍懷新我發狂喜叩車輪忽然杲杲日光昀道上清潤無浮  
塵天乎天乎惠若此吾民終當飢餓死鬻田不足輸國租賣妻  
何能舍其子去歲倉庾無餘糧盼望今年收如坻孰料甘雨竟  
中止不得禾頭生兩耳小人並無一稜田何爲延頸濱上平桑

梓之里魂夢牽及今滂沛尚可延少遲梁稷亦焚然老弱定在  
溝壑邊哀我人斯命如縣速敕風伯止狂顛西海之水青童滂  
瀾龍不起須痛鞭

喜雨謠

宿甘草店晚閒大雨乃作此謠

侵晨雲黔黔到午忽散霧車中慨以慷延頸時四顧忽見西山  
之一縷墨雲如龜兔此中定有靈物宅果能變化奔騰旱魃  
捕無難崇朝大雨注何物飛廉又復狂怒再拜告天民命朝莫  
雷殷殷兮南山鳥喈喈兮北樹屏翳傾瓶兮豐隆飛輅枯苗新  
可懷旱山峯不露詰且猶淋漓吾願忝泥路

登盪鵲樓遠眺

同抱羣峯塞外來  
黃河東下浪如雷  
荒荒白日嫖姚壘  
滾滾黃塵擴廓臺  
誌洞翁墳狐出沒  
枯楊衰柳鳥悲哀  
阿誰添箇高樓在  
愁見田苗半草萊

黃梅邨

原

大令端陽招飲

久見黃河涌濁波  
近來吏治果如何  
惟君猶是書生味  
而我尚爲勞者歌  
萍水逢迎尊祭酒  
沾岑意氣羨盟車  
時繁故里松楸夢  
對此芳辰轉歎嗟

叔度汪汪幸見之  
沉深經義弄詩辭  
古人可作心如寄  
吾道非耶世或知  
戎馬功名付青鏡  
漆膠朋友託朱絲  
山川莽蒼題名

徧家法那能續聖芝

梅邨索  
余書

### 金城關

倚巖百尺峙雄關西域咽喉在此間白馬濤聲喧日夜青鸞幃

影出岡巒

對面係  
白塢寺

輪蹄不斷氛煙靖風雨常愆草木癯回憶五

泉泉味好爲尋舊日漱雲灣

李鹿苹

鴻賓

相國奉

旨召還回籍余適省墓返涼遇

於黑松驛行館畱飲又承枉顧賒贈

不見卅季久披衿此黑松風塵都有色須髮各成翁慰我宦塗  
蹇欣然故里逢升沈那足論萬里壯游蹤

宵深燒檮燭把酒意悽然

君國何曾報

公自訟語

文章信可傳

公談余語

車麟趨

北闕

言赴京謝恩

椒醕省南阡

詰旦分馳後山

同別緒牽

久旱遇雨

迅雷數聲黑雲奔  
陰鳥翔舞黃埃昏  
又恐狂飈吹雨去  
欲倩應龍繫其蹠  
猛然藥師倒瓶注  
青海玉童將波翻  
須臾滿田又滿壑  
黍麥渴甚急欲吞  
老農荷鋤默不語  
回望山顛鼻山根嗟乎  
不雨已歷二三月  
人愁性命不能存  
有司終日甘酒肉  
誰其盻望祀黃顙  
天之所殺不可救  
挽回氣數吾徒煩  
我聞此語還坐泣  
佗詩敢告帝之闕

甘酒石

在古浪峽



我正無錢沽旨酒甘酒之石忽焉追擬倩夸娥移諸便座右鑿  
成粉碎并入罍甕口終日鬼弋醉大斗不知此石何季有疑是  
酒星墮落鬼神守拊摩百遍謹稽首切祝莫騷萍氏手

祭墓

少小離家事宦游歸來老大拜松楸顯揚已負兒孫職祭祀仍  
違霜露秋魂魄安不平仲恨蘋蘩薦未子春愁佗季會有死期  
至得不西望戀首丘

侵曉烏曉宰樹陰悲風漢雨激哀音手除荒棘驅狐兔剝沒深  
泥溼領袷椒酒紙錢循俗用風車雲馬冀神臨祖宗父母休惆  
怨兒抱江蓮最苦心

辭墓

鳳臺笛亦有吾廬鳩鳥安巢我失居妻子何曾嘗半翅興圖仍  
自補全書才名敢說登槐棘骨相依然老蝨魚如果諸兒傳舊  
業麒麟傷冢慰當初

出山泉濁在山清誰識羲之誓墓情儻好希榮紆組綬何難忍  
辱到公卿不修白業參禪悅欲注黃庭學養生去矣青門仍作  
客何時再上臥龍城

古浪跌落崖

危峯勢欲落行者厥膽驚剝馬急欲過石錯路斜傾山下雷霆  
起深澗流水聲夢詩碑已泐文字老落生

壽令楊君業萬刻我  
夢詩碑今已駁蝕

曾和其句霜娥泣靈英  
關今贏廿載棧車此焉征  
山神何處去  
山鳥卻來迎

莊浪

萬樹參差萬綠稠  
清谿瀲灩傍城流  
渴來僂佻江鄉想卻少漁翁  
把釣鉤

允吾龍泉

一波未定一波起  
盤旋龍文勢不已  
牛馬見之駭然驚  
中有龍孫昇龍子  
造物恢詭抑何多  
土出狗兮山有螺  
我從允吾侵曉行  
呼起泉底老豬婆  
一救亢旱興湧沱

自莊浪行至紅城堡宿

垂楊垂柳拂虹隄微雨微風送馬蹏最是愁人眠不得起看明

月照弄谿

顧徐琴舫鴻儀明府小照卽以錄別

我唱巴人曲君彈蜀國絃君弁余同官蜀中別來廿餘載風雨各淒然

隴右敷經席時主講五泉書院江西返面船相逢仍作客息影是何年

壯懷莫鬱沈山水寫靈綫底事王君壑仍彈宓子琴君是時方謀捐復

茶香聞鼻觀坐久愛桐陰握手無多日依然別鵲陰

過安定晤馬南園疏明府餞畢卽登車東行

我是名場潦倒人惟君惠愛及斯民廿年風雨論文夜余掌蘭山教南

園受此會杯盤話別辰泉水出山何必濁勸南園書糧伯餞未

爲貧

余不欲再出

佗時儻得重相見再說蘭因并艾因

靜

寧州

晤獻廷

瑞平

學正

切莫趨炎厭冷官蕭閒大好注金丹枯僧食澹佛成易餓虎擇

人麟德雖世事艱虞須閱歷才名赫奕莫欣歡佗時劇邑牽絲

後應想先生苜蓿盤

獻廷以邊俸得保舉將爲縣令

### 靜寧州夜雨

一夜滂沱雨衣衾乍覺涼孤鐙明劍璫急溜灑書囊雀語車翻

粟鈴聲替戾岡詰朝催速發飽看好煙莊

自靜寧曉行二十里仍大雨聞水聲甚厲

萬綠田苗極目看水聲盈耳夢回殘驚波入峽蛟龍怒大雨翻

盆樹木寒所得瓊  
天意厚行雖滯  
渚客懷安老農  
怯把秋禾種  
佇待西成好飽餐

客中夜起

兒女關懷急欲歸  
老來情況弄違  
起看星斗寒芒  
色恨不身隨  
約約飛

六月廿八日隆德食櫻桃

不盈一掬費三錢  
紅玉堆盤箇箇  
圓我是能酸甜  
亦得鄭娃相  
見意猶憐

斗大山城氣候涼  
流鶯應不到殊  
鄉何來瑪瑙傾  
筐出笑倩白  
家樊素嘗

過六盤山甚雨雲迷咫尺不辨

白雲覆頭上青雲起足下身作雲中君指揮雲變化雲結隊兮  
彌天水彈箏兮響谷張媧皇之帟幕奏孺帝之絲竹彼蜀嶺之  
雲屏昇黃山之雲海雖雲山其鮮明視此僅可爲宰可知靈奇  
境不必在域外我是好奇人覽此殊大悞

六盤山雨中見牧者

碧草芊緜雨沛湧牛羊放轂滿山岡跛童不了披蓑睡直把羣  
生付舛狼

瓦亭東清水河峽口絕壁刻峭壁奔湍四字形景頗似機  
中五丁峽

絕壁天縣劈五丁奔流激怒起雷霆隴東峽口誰開鑿也見峻  
嶒石骨青

清水河道中

水複山環路又彎鳥聲清脆柳蕭閒也知逸興山川助何似擘  
經畫閉關

平涼

碧樹青谿似畫圖柳湖風景又清腴遙山聳作龍蛇勢小圃平  
分瓜豆區人語兜離半吳楚城形几案列尊壺當年逆黨縱橫  
甚賴有文襄盡捕誅

白水驛



白水何多白  
姓人科名甲第  
次魚鱗指河爲氏  
原應有未必宗  
支出白民

花家莊

碧樹濃陰映曉霞  
行人指說是花家  
煙邨画出江南景  
淺水風紋蹙白沙

王邨

王邨風景又清腴  
樹隱煙巒叫鶻鵠  
疏雨瀟瀟雲漠漠  
青帘輶處喚提壺

車道嶺

大嶺如象踞小嶺如蛇蟠  
數上復數下形狀似馬鞍  
新雨泥滑

滑風峭衣衿寒田禾雖抽穗其實穎粟雖老農猶望歲戴笠隴  
頭看征夫何況瘁時作勞商歎乾坤信莽蕩誰能窮犁丹不如  
守蓬廬壁面古煙巒濁酒獨自酌醉把山經觀何爲爲形役塵  
土撲眉端

### 牛車行

老牛無齒飼枯草日夜跋涉辛腸道行行纔上山之膂力盡汗  
乾忽翻倒御人痛鞭未能起轅壓項上輪蹶尾牛如能言且勿  
鞭速速飲我一盆水振蹶奮耳尚可興誓欲送君抵所止天平  
何獨苦吾牛耕田方畢駕高輶千勛重載當炎熱溫風入鼻皮  
生油死後願爲富家犬飽食梁肉茵臥輓牛兮爾時息勞筋太

廟之儀非其選

塗間辛苦甚詩以自責

經早讀十三史亦觀廿一九州名山大川無不游人生得此願  
已畢胡爲乎僕僕風塵使我朱顏憔悴無人色況乃帝殺黑龍  
焉可危來北載書百卷妄學弦唐子金少駙馬共何人買酖棄  
流水毋從矜視道如咫尺冀遇奇人共作了語那有虬髯逢逆旅  
傾蓋班荆亦鮮程本侶歸矣乎青門之外可種瓜韋曲之中可  
蒔花時約二三良友尊酒話桑麻徙然奔波我勞如何關河修  
阻星飢雨蓺天有倚杵日地有斷鼉時生質非金石年少爲雞  
皮曷不開關卻掃學延平餐霞御氣隨羣仙勤鈔白朮序熟誦

黃寧篇白虎爲我吹笙青龍爲我醪酒洗頭玉女之盆搔背麻姑之手乘醉歸來五柳重栽檢點詩文付孫子百年後任佗煙埃

向金穎泉

秘

廣文乞得竹二十箇贈此志謝

廿个琅玕界我來青青枝葉映階苔佗年長得陵雲勢應念淇園舊日栽

時亦七賢六逸懷蝸牛殼裏佗書齋蓬蒿塞徑新添竹雨夕風晨趣自佳

憶箇筠連佗客游玲瓏碧玉滿芳洲至今夢繞瀟湘外翠篠疏簾日影流

汗簡傳名舫得知秋窗靜坐且支頤誰言白石將飢慰相約同  
參玉版師

乙未新正仝東芥航

冉冉老將至堂堂歲又新擁爐灰画字嚼茗舌生津爆竹古今  
俗銘椒兒女春吾猶手一卷忘卻羈縻身

殘雪仍畱樹餘寒尚逼衿恰逢縣葦日起我望梅心日月奔雙  
轂乾坤惜寸陰無爲逐貧賤相賞有知音

仰屋著何書精神費蝨魚忽聞喧臘鼓知是禔雷車也學投名

帖居然飽酢菹膾無張仲宴未得撤衣裾

時招飲未赴

屢承君子惠深慰酒人情文字昌黎飲率鸞杜甫驚趨庭難問

鯉求友卻聞鸞願早馳

皇路祥雲覆眾生

梅花下飲酒

春在梅花一兩枝何人倚酒又能詩  
醉來修竹長松側驗到參橫月落時  
鐵石心腸那復爾蟲兒富貴有誰知  
清香入鼻同癡夢遂裏哀音最可思

顧龔嘯巖

尚勤將軍餘蘖

競病詩成氣薄雲誰言好在是將軍  
一編珠玉難論價敵得陰符六甲文

書生鬥韻響秋蟲也詡推敲字句工  
可信臨江橫槊日猶勝把

酒吮豪風

芥航兄春日見過以疑事坐問余亦罕漫用顓羅瀝卷子

元韻聊以自嘲

奇聞似得真珠船天上原多識字仙爲愛春陰纔久坐偶然茶  
話亦非緣書因難解頻擗舌詩若無刪總敝筌文字儻能都擺  
脫空山不問野狐禪

芥航兄約看藤花久不見招詩以促之

蘿苴春色雨餘天正好持杯擘錦箋三丈朱藤花十萬如何不  
見喚張顛

輓芥航河帥兄

巨壑移舟竟瞬時茫茫吳綈理難知方期報

國輸忠盡詎意呼舉失頌儀河海隄隴南服聳崑崙柱折西方  
疑大星霄落天容慘應是騎蚪上斗箕

羨君懷抱信宏恢可憎匡時未盡才擘畫嘉謀沮羣議

君奏於  
桃源別

開河引流燼海爲  
議者所阻不果行髮梳偉續澹沈災

楓宸倚重應傷釐葑屋瞻依自感哀已矣平生艱大志英魂定  
亦泣泉臺

憶自袁江引疾歸青門作客菱荷衣心縣

魏闕三千里手譜襄陵十二徽游興雲中追若士銓情月下辯

稀妃宴譚尊酒成陳跡一曲空悲薤露晞



莽蒼中原孰善文惟君知我我知君彥升攜筆涵經籍子建飛

豪健骨筋

君正定予集評陽如此

省識并言猶在耳依稀昨夢已游雲頻

揮老淚書天問史氏佗年定紀勲

輓謝振之

集成

通守

不見十五季白社夢來尋相逢二三月青門酒互斟  
簪者居比鄰絮語故鄉心今茲衣台襪濡囊刻燭吟  
溼陰依南山喜君佩冠簪謁

帝觚棱闕

天顏咫尺臨言旋定遄速慰此邑之黔奈何歸蒿里寶劍冷孤  
鐔淒絕弟昇子丹旄繞西林人生眞儻忽壽考讓金石所幸善

政在循聲播瑤琴悲風摧玉樹何處覓落岑

養素堂詩集卷二十四

范威張澍介侯

卜居集

乙未丙申丁酉戊戌己亥庚子辛丑壬寅

卜居

我豈輕去鄉故鄉無寸田敝廬十餘屋強族奪其椽過門不敢  
入何由得流連數百卷書籍早已化雲煙碑版充箱篋瓜分用  
質錢念此心惓惓終營夢靈淵結茅在三輔我意反茫然

種瓜伯故侯所恨違松楸遙想西園外蓮峯嵐翠稠渾渾朶瀾

水灌溉誰家疇條茂鬪已沒洪崖墳難求故人何太史

承先字梅生

率木拱荒丘玉谿家農部書畫敝無留而我尙老健乾坤一蜉

蟬

新居費經營結構未草草修竹青琅玕綠雲天易曉庭卉薔薇  
花三春顏色好續隔南北宅桃李兼榴棗萬卷貯後樓子孫宜  
永寶尙欲重校讎所歡我已老季季曬蠹魚小子毋忘了

我曾居道西今茲居路東咫尺直杜門車馬聲隆隆終日掩關  
坐客少茶竈紅經史徒遮眼那復注魚蟲古人雖不佞吾道豈  
終窮良友關山隔寄書悵遠鴻且學冥心法老我此屋中

送涂琴舫

鴻儀

明府南歸

攬袪相見又將離執手踟躕各路歧我寓青門瓜未種君歸白  
社酒仍篩乾坤泛梗勞筋骨歲月奔輶繫夢思盱水游鱗知不  
少冀將錦字寄遲遲

落日入南山臨家并航兄葬

落日暝煙合我將天問來岡巒莽回互猿鳥咽悲哀崖石蹲奇  
鬼風泉響怒雷雲深埋骨處悵望幾衰哀

厚夜何沈沈須臾一古今山中延日月海內失消岑吾尙夢金

闕

述十七  
日夢

君胡摧玉琴  
晔晔吳綈理欲向九原尋

宿南山中

筍將入遠林清曠靜人心山色嫺皇石泉聲孺帝琴風來疑虎  
嘯月上聽猿音谷口明晨出白雲橫碧岑

題牛鏡唐

鑑

方伯程玉樵

德潤

廉訪靜坐小照

我聞自魯政在養民旣養旣教是之謂仁胡今之人弗矜餓貧

肥瘠欣戚有如趙秦

解一

惟君能賢其心塞淵溟南齊東治理平平來旬三輔時事腥羶

補偏救弊持危扶顛

解二

庶幾區霧化爲甘露果然風清一掃緇蠹衙隄者農有廩可哺

橫經者士有履可度

解三

翻然引退思之至再清冷之泉泥沙弗愛晶明之月雲埃欲穢

沉抱逸情而甘此類

解四

憶官歷下昇休父朋據石譚心斬斷葛藤曠懷夷垢榮利是懲

修竹挺節高梧起棲

解五

續圖猶在雅志弗改奔轡息軒悵帆收海誰歎繼者俾民無餒

曰干斯倉異日有待

六解

伊我撻戶亦遘耦五舌在猶耕鯨聚失豔一笑置之陋彼銜羽

自君之去孰爲舊雨

七解

祁連金液可以引牽擗次烏翅足以烹鮮如蒼生何宜早出山

青門相見執手歎然

八解

牛次原

坤

光祿同季自伊犁歸過陝相見送其入都

塞外風霜已飽當歸來兩鬢漸蒼蒼玉關人老

皇心憶筮卻天開日影長握手纔知離別久循衿又笑應酬忙

觚棱雙闕縈魂夢萬里孤臣早控轡

自咎功名半雉媒況君焉裒是良才

賜環諒以鈞衡寄螯手  
那將虺蜥猜從此波平舟楫渡爲憐  
雨順黍苗栽奇章事業從容奏  
應念張憑在草萊

定有新詩貯錦囊  
班超碑後寫千行並無怨悻銷金石  
直以忠貞扞虎狼  
舊友幾人傑青瑣誰家有夢熟黃梁  
關山跋涉良勞勩劉郁程塗記性强

我是真心戢景人  
終季故紙蝨魚親門無轍迹常羅雀  
釜有塵埃那煮鱗何幸濡卿三顧重  
頓令平子四愁泯恩恩又送燕都去  
撒色河聲倍愴神

牛次原

坤

同季入都方伯詩錄別未及緘  
送先以詩來復

爲二章酬之



無復風雲志青門學種瓜故人萬里至把手增吁嗟慰我情何重知君路不差天心定有意老眼仍看花

詩筆是堅軍讀來將硯焚況兼楹語勸使我意斤斤喪帶榆關月囊攜雁塞雲負慚無以報別緒又紛縕

西子

絕世佳人處桂宮修明並坐雙芙蓉夫差定愛神人在那計佗牽到甬東

題汪雨蒼

承澤

所藏圖竹

千个萬个一竿兩竿檀藥雨洗澀勒風寒伊此青士媿彼蒼官有斐君子見之竅端

王西廔夢庚司馬計最入都往返皆見訪兼有贈貽無以

爲報酬之以詩卽以錄別

中原知己定何人久敬如君意自真藥物能扶枯朽態衣裳又  
耀菱荷身甘率白墦牽絲地四月青門判襁辰慚愧一編蒙許

可何曾自負是經神

時以拙集呈政

大宋龍山結九蓮永壺館裏有詩仙踏殘魚腹蠶叢路險滿黎  
風雅雨天況乃雙歧傳遠近欣看五馬走臨躔送君西去愁何  
許石鏡坊旁石筍堦

贈李四

功

呦呦鹿呼食嚶嚶鳥求友鹿豈知締交鳥豈知擇偶詩人感慨

深託興意良厚嗟彼烏巢人面朋而惠口舊時各嶢嶢丹鵲盟  
要久一旦有替淪棄之如敝笱不復問飢寒焉能共杯酒無性  
朱文叔絕交論示後孝標望廣之憤激爲訾詆乃知淡如水君  
子之所守寥曠緬淳風淳風今何有

莫謂今不古矯矯有李君才大世未用弢晦閤奇芳囊邁周公  
瑾冲謙范史雲老友已白首飢餓將游魂亦有孫昇子不能供  
饔飧君聞齋喪起謂此我當存推食食以飽解衣衣以溫遂令  
皤皤曳棄杖健骨筋謀諸好義者緡錢時給分此道久如土君  
乃植其根我聞畏歎息高誼薄秋雲

夜坐昇友人聽琴效樵文公體用古人姓名

月上眾禽息鳥飛微樹鳴摘琴高士至彈得古初聲冷然友稱  
善懷敘一時清星垂池魚躍燭過草蟲驚坐久覺涼茂呼童延  
杯生傾壺遂起舞天籟耿長橫

書振威將軍韓健薨

建業

死事後

栗栗冬風至蕭蕭大樹摧天心未悔旣國士竟丁災殺賊仍雄  
鬼捐軀信將才定軍山下路流水咽餘哀

烽火喧梁益戈鋌鬥楚荆將軍經百戰草木識威名鄂國圖麟  
閣條侯肅柳營如何妖鳥殪漢上又狐鳴

斯民遭蹂躪梟帥肆披昌

指賊渠康  
二庶子

怒髮提疲卒援弓下峻岡

黑雲低壓陳白日驪飛茫一角孤城在悲聲出沔陽

吾

皇訓死事

恩重動人寰泉壤泣碑廬子孫悲甲擐弟兄眞聚首天地亦愁  
顏恒幹魑來日魂棲第五山

史望之

致儼

尙書同奉書來言貧狀但此語之且以爲慰

司寇窮如寇那能遽挂冠書來言愴惻讀罷淚汎瀾

書言欲致仕魁家無

田產無以爲養故藉祿生活所謂自食其力也

有子經堪守無妻寢可安誰知槐棘貴

竟似廣文官

君欣黃犢健

書言牛次原到都年六十餘猶健如黃犢

我憺白駒忙

余年六十餘筋力已衰

念

此方成笑聞之定恠愴勞薪仍伯樂貪貝詎充箱相隔三千里

開函庶俯觴

壽富海颿

呢揚阿

中丞

景鑠吾

皇治元臣正樹功條頒憲文武坐鎮陝西東秋肅瞻杓斗申生

紀嶽崧簪纓齊上衛白鶴響琴中

愛士又勸農惠心孚四封雨暘頻歲若賞罰眾心從其祿其名

得多男多富重

諸福公備有之澍所祝者為多男耳

百平格壽允矣姬甫蹤

事業崑崙柱文章洛渭波崔陳府徯在

五紀陳宏謨為最賢范

李後薪多

鐵嶺范建謨李錯皆善著也

茹蘖吏無墨伯縣民有禾升登堪報

國好聽介詹歌

偉人生不偶何幸在吾涼

以太公觀察甘涼之日公生於此

兩世垂青眼

謝幼應重

子試列第茅太公奇其文召入署賜賚優渥及謝率江右名流以疾引退士民數百起省投狀保畱公雖以例格之而批詞極

荷獎

千秋託碧琅他年開百表此日宴三商舉目南山在嵐光

落翠觴

得錢衍石

俄吉

來函知曹玉水

江

司馬先後景況用原韻

不依次爲之

太息人生隙影過山陽聞筵痛如何方冀致身排五馬那期遭

命在三科我猶扶杖餐黃藥君乃騎箕上絳河不復銜杯論大

戶盈衿老淚水潭沲

在晉京華踏軟塵於今奉襁無多人名場廿載夢誠幻圓澤三

生蹤自眞綰綬皖江嗤俗吏荷戈砂磧歎勞臣巫陽不下招魂  
杳痛哭廬楸數萬民

斯人一旦竟淪亡得不書空間彼蒼朝仰觚棱雲氣迫夕隰蒿  
里路程荒故人翻恠傷醇酒惟我深知赴廣桑半百羣生未  
天看來修短亦無常

伯道無兒等廢井景升豚犬亦虛舟看來造化高難問欲向靈  
均遠伯游大令人琴俱不在中郎書卷可能留數千里外聞眞  
信爲謝錢君再叩頭

和錢衍石

儀吉

給諫戲題東林金鑑圖格原韻

東瀝黨人不知檢西州豪傑奏自貶恥不弄黨是何心曹鸞死



諫忠難掩惹得黃巾百萬來遂使炎精落紫旛明季黨人又蚬  
塘顧憲成爲魁張儉廟堂紛如水火爭宦寺因之張凶醜流寇  
逼爾虞淵沈簿上誰能將將點披史感事發深悲南望鍾阜高  
陵儼朕非亡國國竟亡置相如綦清班玷阿誰追究旤之原作  
此圖格意乃險不見中山田獵徒失鹿原亦由載獫狁午清譚  
召五胡地棘天荆血汙染我友題詩遠寄來清猛欲掣五花簞  
腦脂遮眼昭未彎憑君敢戰來踐奄

元詩

錢儀吉

高人寓意出新檢博奕猶賢見褒貶求仙選佛事渺茫此  
局分明不可掩東林黨人日月光明政吁嗟迫西崦橫尸

臺省興廢湧亡命江湖悲觀儉浮沈變化徒實繁李志曹  
蜎無氣燄游戲偶偕雙陸籌姓名盡列眾星點卻從四角  
望中央元祐正人入座儼招豚入筵尤苦心投畀還教自  
磨玷繞床大叫須臾間失手一落坑塹險笑嘯不得雜猓  
狔冠帶堪憐拜歇獠警心大似朱墨銘觀人何啻丹青染  
因之捉客譚舊史絕勝看碁坐清簾推枰忽感張侯噏吾  
道能狂不爲奄

世人皆欲奄吾道在  
能任介侯舊句也

夢詩寄錢衍石

儀吉  
給諫

戊戌正月初一日我夢昇君其綈被大舟佗屋軒然高中央四  
角堆行李我起以繩束縛之君亦左右相料理我言昇君將別

離宮治酒食話終始言之淚下紛纒纒君亦泣然不能止矣爾  
闌入偉男子危冠劍佩紫衣紫就問張君何爲者我是周時闌  
尹喜天上近失天理星牽勅搜尋徧朝帟貴仕囊富中無人君  
之面貌毋乃是我聞大怒投以壺何乃相戲如蟲豸天上豈必  
皆良夫太白竊婦無廉耻況我七品微官耳郝并歲星方朔比  
錢君學富才尤雄岸身定是柱下史授爾道德五千言奚不孥  
摩來在此其人語塞笑出門門外高山長江水

己亥元旦雨二日至四日大雪

月正元日細雨溟濛徐徐入土麥根其豐花枝若沐微受斜風  
如膏如酥春意融融

次晨峭冷大雪紛紛花飛是水懸暝於雲紅鑪禪士白戰將軍  
我乃詞家烹茶氣芬

越三四日益復迷漫聽之有響視也無端采瑤草想但玉山看  
依然三白伴五辛盤

且持酒瓢且歌且謠萬樹梅花千金春宵映書無字  
見杓嗟予老矣驢背詩驕

和楊桂山 振麟 方伯雪詩卽次原韻

臘雪纔消望又賒果然春雪滿田家龍鱗原陘方圓壁鹿角圓  
林頃刻花預卜蝗蝻無育種爭看象緯出長沙

長沙星見  
則年豐

兒童

也說春光好揜箇獅王爪欲搥

瑞霞祥雲彌望中共知精意格高穹泉探太白驚平鶴

事見原詩注

甲滿遙青門玉龍莫道天人剪水似劇憐兒女撒鹽同三朝已

慰三農願拜手仍翹造化功

數十年來無此歡傾城士女踏燈看欄角冰柱何曾凍圓上梅

花那識寒簫散聲中花樣巧樓臺影裏月輪寬慚無半畝趨東

伯賴有茅齋硯可安

禁城楊柳拂青旗

帝澤如春普受釐

每歲首奉  
豁免各省積欠

旨大吏承風宣

德意老農占歲及耕時未嘗太尉羊羔酒卻讀達夫人日詩肝

腸沁雪清如許又羨天葩正吐奇

楊文泉

得質

明府入都道經陝來謁賤贈

不見文泉已廿年  
青門執手意悽然  
磨驢陳迹那堪述  
巢鶴新毛應自憐  
藥物關心知我老  
蘭山回首念君賢  
都門此去三千里  
得沐皇恩及早旋

乞蟹於楊桂山方伯

記得江南橘柚天  
霜螯痛飲菊花前  
鱸來老佐青門客  
嚇鬼徒將蟹殼懸

爾雅何曾不熟精  
文壇舊日也橫行  
銜杯左手空無執  
惹得人呼粥粥生

君侯日者飲如何  
犀首閒來酌不多  
聞說團臍風味好  
饒喚歐吐有腸麼

竟日垂簾倚隱囊  
口中何敢設雌黃  
丹青忽夢相如至  
試索郎廚玉髓香

仰看天上蠶星稠  
郭索無陰負好秋  
一紙良書反覆讀  
我家張敞餉朱侯

曾到黔南煮石蟫  
味如嚼蠟費薑梔  
今番賺得蘆沙虎  
誇向荆妻弄納兒

輓史望之

致儼

尙書同平

几上尺書畱飄然  
大化游白雲梢遽  
下赤石肺縣秋五  
夜聞妖

鵬三霄失爽鳩衿期原霜落不是死窮愁

老淚溼綈袍遙遙奠酒醪王喬先控鶴

王伯申尚書同率先歿

鮑靚久藏

刀

親學仙餌丹砂詩用刀圭字覺生宮詹同率下世已十餘年

我尙人間戲君胡世外逃何

時魅匿觀江上足風濤

病目

有唐張水部病目目遂盲昌黎贈以詩調笑實愕驚壯士胡爲  
卧腦脂遮眼睛大昭徒挂壁無由挽且藥盲目不盲心聊以解  
鬱情嗟我竟何辜雙瞳奪光晶舊日剪秋水今則雲霧生我友  
楊伯起愛我念回鑒示我醫治方薑并黃連并以火燒焦熟水  
煎貯小甕時時頻洗之庶幾其復明我友言如此得不依以行



在魯左丘氏春秋傳縱橫亦有范滂子穀梁註義精箸述垂竹  
帛千載享嘉名我輩有何恨所恨書未成嗚嗚乞我友鈔寫卷  
表盈不令飽蟲魚畱以待譏評後世揚子雲知我是儒英如此  
死瞑目何羨美目清

戒酒

創深斯痛鉅病篤則身危遇此不警戒冥頑夫何知毒哉酒爲  
害甚於鴆羽厄始焉入口甘玉液潤喉滋繼乃引入勝意欲拍  
浮遲久之爲密友朝夕不可離齋爛腸亦腐醅發不可支況乃  
目有膏酒又非所宜飲之動肝氣肝氣觸腦脂垂垂漸遮眼雲  
霧生睫猶飲之生溼熱溼熱病在脾脾煩胃遂弱食減定消肌

飲之昏神氣神昏志不持清明日以遠遂至不可醫汝欲安無  
目糟丘受爲師汝誠愛有目涓滴屬不移危乎其危乎戒之又  
戒之

觀魚詩

友人言觀魚可以養目因買色魚三十尾置之大缸日  
數觀之作詩十二首

莊子游濠梁誕知魚之樂魚樂果何如問魚魚未諾我欲化爲  
魚恐猶豫且獲不如且流觀養目勝服藥

侵曉坐盆邊朝日上東榭羣魚佯隊迎嚙嚙聲咤咤竹樹影交  
亂風文水面亞小兒亦來觀指說魚變化

卓午方苦熱移我坐南房推窗聊一望魚亦各深藏竹影何瑣碎風吹鼻觀香薪簾清且滑高卧待晚涼

晚涼風最好落日棲欄端天光盆底照一一游鱗看淪籀偶墮水魚驚聚一團乃知定靜理魑魅在能安

有時灑微雨張蓋亦憑臨斜風輕蕩拂吐沫是何心或東西南北或彼聚浮沈儻覆萍荇藻孰測水淺深

星稀月明夜來觀景尤佳金波搖不定鰓鰓目誰偕螢火輕飛過小明驚相排呼童蓋竹笠草露溼芒屨

白魚甲鋪銀朱魚鬣揚赤黑魚如點漆龍目突凝碧噉噉復噉噉丁丁又策策活潑識天機色相勿滯著

惟清故能明明實本於清以清致清氣明乃自然精吾目豈魚  
目專誠明則生此理魚不知吾緇養魚經

范甯言泊目其說涉譌萬象本虛涵潭空月光灼吾目本秋  
水浮雲胡來薄風力鼓盪之障翳不復作

拊此老瓦盆圖書空度閣燕自去自來花時開時落惟魚亦何  
親伴我作賓客餌之以沙蟲啖喋爭不偕

風和水斯消酒熱血乃斂觀魚毋乃涼聊以息煩亂煩除心以  
寧魚乃其偕看雖無大淵池清淺方渙渙

我曾游東海修鱗駭摩竭矧此二寸魚奚啻如漂潑仰視蒼蒼  
天日月有蝕闕吾生原有涯千眼徒矜伐

趾拂拭涇頭巾偶展乞米帖吾欽顏清臣

深居不出戶尙猶苦煩蒸知知道旁人渴死如魚苑古人有槌  
蔭吾力慚難勝左擁而右扇大聖謝不能

無己籲蒼天卽時灑甘澍風伯何披昌魚鱗竟吹去秋禾半枯  
槁人亦旱魃遇水到龍有靈疲癯穢深樹

常讀董子書土龍可致雨簪日爲宰官用之應桴鼓今也抱邾  
居此心未嘗腐欲倩青海童鞭起商羊舞

恨無造冰方圓嶠路又長修竹竟受暑明珠不招涼誰道讀書  
好如炭置我腸關門探首看黑雲或飛揚

尋思一良法塞戶復蒙窗招呼光逸輩縱飲倒金缸公榮入狗

寶也昇巨羅雙但我方戒酒恐其血熱腔

不如伯小詩率意而爲之東方朔箋藪百里奚廢廖楚人工隱  
語秦客善度辭如此消酷暑古今第一奇

喜雨四首呈富海颿

呢揚阿

中丞

不料槐陰夏赤舄扇火雲風伯助之虐吹掃魚鱗紋田鄧禾將  
槁無鳩人抱癰老農都不懼曰恃我撫軍

卽時申虔禱率屬謁壇宇上帝勅雨師速膏秦中土雷電齊宣  
力洪頤翻雲舞須臾慰三農咸曰使君雨

默驗天人理惟和能感和我公理庶政鎮靜不煩苛以此致甘  
澤不占自滂沱陰陽執開闔奚事挽銀河

太寧昇終南是爲雲雨府偶然有隔井亦須龍應數今也氣既  
通飛驟當續補濡藥伯小詩墨水蟾蜍吐

和錢衍石儀吉給諫紀夢詩原韻

我是癡人偏說夢占夢之書恨我空周宣索統又無人誰爲解

釋先中中惟我昇君夢常通夢裏詩文記猶耿耿不到處夢能

到元始先生來託諷戊戌正月初一日夢昇衍石同宿大舟見關尹喜伯詩寄之韓公歐蘇

朱張楊有如冉季游夏貢小子夙曾夢見之頑質不啻親受轉

丁卯仲冬南游歸湖流至少習關過商州宿新開嶺夢又一廟

中爲韓文公像左塑孫思邈醫龍右塑沈雲英上升少選雲海

波翻仙眞出沒不啻眞境次晨抵廟入謁皆昨宵所見者會伯

詩紀之丁酉歲夢入大廟宵碑林立西樓下一碑尤大上下

皆刻佛經旁立一人長髯黑面未交一語觀訖出門見南有新

亭上坐偉人知是歐陽公翹而揖焉公命之坐因拱手語曰公

養素堂詩集

卷二十四

七

立朝風節世所欽重文章衣被後學小子嘗誦之公愀然曰  
在朝時多爲人所忌亦未嘗有意爲文而流傳後世良深慚愧  
予又問曰公門下高足弟子如蘇東坡者果何如人公曰其人  
傲頗不服我予曰觀其文亦甚推重公曰亦當時公議不得不  
然耳予揖退徧尋其人不可見遂醒乙卯在都寓先師錢涑林  
昇譚子揖退徧尋其人不可見遂醒乙卯在都寓先師錢涑林  
夫子宅暑月午寢夢一卓衣吏執朱子名帖邀予隨行至曠野  
中二三里許入一廟堂宇宏敞岑朱無人廣庭西面設大牀坐  
一老者常服不冠舐目甚秀須微自知爲朱子揖而問曰承  
辱召何以教我公曰少待俄二客皆緇衣自屏後出相揖畢朱  
子自坐西面命予東面坐二客一南一北心知南坐者爲楊龜  
山北坐者爲張南軒有老僕供餼每人一盃似薏米而微大食  
訖二客入予亦告退公送至大門外問曰子讀春秋乎予曰曾  
讀之又曰春秋不可不讀及醒而腹尚果然爲漆林夫子言之  
已未成進士預館選乞假歸省越歲入都順道登嵩山住玉泉  
院游靈臺觀謁朱子像宛是夢中所見像爲顧璣人王山史所  
立以朱子嘗爲所歎仕學兩無優遜自苦吟卧觀疇離命趾  
靈臺觀提舉也所歎仕學兩無優遜自苦吟卧觀疇離命趾  
能醒迷平州泮管每夜誦深慚不及劉彥和執器西行隨德鳳



亦欲巖穴尋臺佟徒將官族問眾仲近來目疾同左氏誤切九

丘爲九共君有金飽須賜我老子青牛望來雍

并歲冬得君書有青牛入關其

在春乎之謂

念我不置寄我詩一往情深語珍重鴻響鸞音徹天風

不是箏箏篴弄捫紙讀之字起棱耿耿元精內外洞嗟我才

薄張水部輒昇昌黎筆爭鬪蝴蝶碑高儻再見

辛酉在庶常館夢游法源寺二

門內樹一亭碑予問是何碑旁一人曰是唐明皇蝴蝶之碑

栩栩然飛掃區霧

元作

錢儀吉

鄙夫平生罕言夢毀所不見疑鑿孔張侯達人有夢癖神

游無方時億中定知左徒醒苦獨取嬾宜憮吾從眾少時

恍惚過予齋海底珊瑚出隘諷

嘉慶戊午同在京師君夢中閱子詩有海水寒不測

珊瑚句

四十年來夢無恙又訪敝廬以文質

君夢予持一紙相示為處士陳

理誌銘三原達逢根燼撰文

山平卿撰姓夏希冥漠君銘石誰鑿異聞

如遇半將珠簾步亦憐醺舞甕由來處士必翳滅此子憑

虛轉稱誦儒林丈人胷中奇仲舒懷蛟子雲鳳為因為想

發光怪非我非君雖伯仲韓公吞筆孟公笑天許雲龍下

上共奈何道路隔敏惠猶幸井疆連豫雍皆皆命駕魂飄

揚悠悠我思意鄭重吾儕寢處抱椽筆或託幽憂寫琴弄

用北齊鄭述祖夢中得龍吟十弄事

未應多怒氣鬱目稍恨觀書視難洞願

捫邊腹經笥假莫聽般林牛蟻闢大儻贈惡及良辰會見

神刀淩昏霧

先伯父漆林先生少嘗失明夢綠衣人舞刀於岸光滿室中且即見物

錢衍石

儀言

給諫書來言爲姓氏書作序當再酬以書旣

寄書附上四詩以助一笑

一字一縑皇甫文於今此事又推君如何僅索秀才紙

關隴俗諺云秀才

才人情紙一張

定是無嫌野老芹平晏先生肯曲筆青錢學士能張軍

所慚不是深湛伯幸得桓譚識子雲

月謚專家說鄧林邢能廣見又精心春秋人物仍多昧三五牒  
圖焉得尋賈執英賢存已少應劭風俗畧宜斟數千年後探星  
宿誰奪咸陽市上金

我友宏通靡不包書來字字啓心茅深知永叔多藤葛邢信鄭  
樵爲漆膠六代雲奔宗易彖三王風古族難淆錢承何氏分明

語不蹈尋夫失姓嘲

魏了翁貴後不即魁  
高本姓識者譏之

伏念鄉望本在威敦煌支派是耶非追尋先世餘殘籍恐懼吾  
身杜德機僅有蟬編學韋述那無潤筆謝錢微君毋笑我慳成  
性每月修書墨漬衣

楊桂山

振麟

方伯引疾還里伯此送之

四十年來共繫懷宦蹤離合孰安排青門咸被召棠蔭白社屢  
尋陶菊佳尊酒論文風雨夜鑪香看帖墨林齋翻然忽作歸山  
計正是新蟬噪綠槐

一曲驪駒不可支霸橋楊柳綠絲絲送君南路黃塵起恨我歸  
塗白月移天上故人爲問訊

託寄甬湯敦甫  
白小山二同年

秦中父老定懷思

蒼生在抱仍當出應念看花老杜祠

袁浦相逢又十季於今偶憶倍悽然  
芥航不佞廉山沒芸閣何愚衍石賢  
世味嘗來真嚼蠟道心堅後自安絃  
誰言講學爲無用養氣如雞列子篇

平生最愛左丘明姓氏常從世本評  
編得五書元亞怒刊成百卷仲瑗驚

余著姓氏五書君爲刊尋源辨誤二種

爲他乖白壁張超集此日黃花楊

賢情莫謂炎天多酷暑冰心一片玉壺清

少小京華鬥酒軍流光如瞬判泥雲共知  
陋巷常尋我不意河梁又別君此後白衣  
蹤定渺好將黃卷味常醺日歸林下修亭  
子亭上逍遙望雁羣

萍分葦聚不須憐明月  
零星各在天千里夢中迷去路三生石  
上憶崑緣陽翁應種空山玉平子  
躬耕負郭田執手斯須道旁  
立重開懷抱在何年

憶海藏寺

寺爲涼郡梵宮之冠林泉深秀幼時數數游之夏月避暑真人聞清涼境也自僑寓青門室宇庳庳四月已覺  
歎烝因作詩以憶之

出自北門方三里清泉數道聲盈耳夾岸絲柳垂長條風吹拂  
波綠泚泚細草柔萑平鋪茵淨無點塵風日美酒家帘外燕子  
飛紅白花開桃昇李三月埤暝游人多冠蓋車馬紛如蟻  
魏弢

古刹何雄哉法象莊嚴又如此爲問創建自何年成化張賓重

修理

寺內東廊有碑明成化七年太監張賓重修言寺起於唐時

古柏參天幾千尺老槐蔭

地踰萬尺鐘磬穿林復入雲不見鶉鴒佛頭止境宋界超心湛  
冥木犀香來悟宗旨安得飛輪返家園尋得樵椎擊衲子浮瓜  
消夏少蠅蟲桃笙冰肌涼潑水松子落地靜無聞夢到和神之  
國裏

### 詩舟

同季宋芷灣湘作詩舟有句云李杜而還誰問津吾舟  
只載兩三人余笑問曰君舟何小禽曰吾舟本大他人  
不敢入惟李杜得上耳其言大而夸今作詩反之

吾詩亦有舟未曾量大小舒之帆斯張卷乃纜不纒乍泛游墨  
池終洞至瀛島無奈橫荒濱何由拾海棗欲向天際鯁釣魚伴  
寒藻忽遇修髯翁怒我來不早輿出一卷詩語奇字難了鼎鑄  
神禹篆盤銘走湯澡騰波滄溟疆上蕘莽眇島百恠入其腸乃  
有此撰造舌橋不能下默忖是誰薰尋當去問津拔劍星河曉  
崦塗何茫茫翁幸爲予導蓮葉未學操何由陵浩漭踏翻怕李  
侯搥碎驚杜老擬將筆硯焚翁言毋草草古人皆吾師樂松須  
修好慎防鶴聲偷勿供蠹腹飽自然心境寬包涵萬象實因是  
頗悟詩未敢爲人道

喜雨陰



請君勿喧橫君琴聽我試作喜雨陰十日不雨卽無禾饑民溝  
壑非天心召雲師勅雷公阿香往助青海童傾瓶直注徧寰中  
風伯不受詔發狂恣咆哮啓開土囊口放出聞鱗悉雷公大怒  
奮戈戰屏翳乘閒灑飛練魚鱗水雲仍垂墨四野都見青青色  
豈惟農最喜亦有工商士大吏不居功魃之於太空上帝甚神  
靈策勳首奔霆我乃褰揮喜雨陰軒衣起舞舞難禁

思錢子五首

我思錢子在汴之河雙鯉時寄腹剖衍波勸之養氣風溫日和  
戒之制酒玉律金科書於紳帶觸目則哦愛而不見遠如之何  
我思錢子經學宏通爬梳疑義雪化冰融探索奧蘊絲抽玉蠶

京雩其屋明晦雨風今也久別悵望飛鴻無由質問乃心其蓬  
我思錢子史論縱橫季溱吹燼兩晉沸羹君也條理會要書成  
君著季溱書會要裴松地理疏畧弗精何超晉義鎔訛孰更憺君  
要晉書會要

藁筆未久承明

我思錢子講道於今梁園月上繁臺星臨仲淹弟子卿相如林  
檀敷朋友遐邇合簪我非鍾期卻識牙琴茲茲四海一二知心  
我思錢子目何清揚未能寫棧執手大梁尺書慰藉竹汀西莊  
去秋寄我書言君家竹汀詹事王西莊光祿皆患目舊老季復明我亦希冀誰貽善方書尋藁  
飫字識凡將聊攄胃臆並告鏡唐

四山詩賀富海颿

呢揚阿中丞

嘗觀魯賢之詩兼賤比興三體近人所作祇有賤而無  
比興私意殊不謂然竊取風人之義以秦之太嶽終南  
太白巖戟四山爲詩四章

巖巖太嶽山坐鎮陝西東精禋崇典祀其秩視三公三峯造天  
外削出青芙蓉壁流巨靈掌時有仙人逢叔卿驂白鹿呼子策  
茅龍羊翁鍊石骨玉女洗芳容丹爐昇藥竈十光五色融憶簪  
庚申歲曾陟落雁峯五夏觀日出海水盪沖融俯仰已陳跡仲  
蔚徑蒿蓬幸生

重熙世元臣贊化工絳囊采甘露願以薦喬松

右太嶽

瞻彼終南山其中靡不藏地大斯物博精氣上瑤光條梅實爛  
漫桐梓聳千章栝柏森絕巖筠簟被崇岡平熊舐掌目蒼鹿護  
臍香長生千百歲角觴語吉祥我曾踵其麓有紀復有堂惜未  
尋幽勝捷徑在何鄉班固膺佗賦文彩飛煌煌今讀秦國風渥  
丹顏最良知公詩筆老巨刃摩天揚我但頌舊句曰壽考不忘

右終南

罡功峙太白靈秀莫昇京去天纔一握兩角孤雲橫黃金子午  
谷幽邃復崢嶸蛇蟠復鳥樞勢若昇天爭氣脈相連接鎮靜安  
無傾大池漚其上神人坐船行追之不可及轉瞬聞雷聲石室  
有道士自言太乙精飢不食五穀童顏餐芝英歲或值亢旱有

司禱屏營隨時沛甘雨有秋粒眾生今者汗耶祝公堂稱兕觥

右太白

鹿原鬱壘戟氣象薄萬千別氏曰截辭又以荆惡傳清水流其  
側環繞美陽川滃滃出靈氣飛雨灑良田俯瞰黃白城洪谷柵  
依然其上多異木平仲及君遷黃帝簪鑪鼎翊衛集羣仙昆閭  
隨車後張若導馬奔風后負書劍岐伯攜藥編陰陽鑪煥合鼎  
成光燭天神丹容成鍊精性洞壑陸我欲尋金液奉公享大年

右壘戟

有感

古人心何遠其才又何宏周公多材藝禮樂制佗精孔子天縱

聖博學名無成當時沐大化後世坐休聲兩漢重經學師法守  
弗夏洪範辨災異禹貢治水衡春秋淺疑獄風詩善諫爭窮經  
能致用足爲聖千城六代至李唐魁儒列觥觥昌黎獨矯特立  
朝風節貞時無道統號亦無理學名誰言非經濟大路自夷庚  
亦越宋南渡周張程朱生粹然出於正後乃門戶抨遂招僞學  
禁彈擊來李京良由從不學卮言瓦缶鳴堦代講學者無如王  
陽明文章原道德功業詰戎兵赫然在耳目誰敢肆譏評其從  
有錢德王幾潰其師典程波沿顏山昇何心盜賊而軋傾可知  
講學害溢世豈皆盈管吾先有正其言明且清鈞譽實贅德沾  
恩乃險情有爲須兼守飲水亦平平兩廡未可冀莫如一經橫

余言非爲奮灑墨貢血誠

戒酒

吾聞壯士蝮蛇螫手毅然斷腕身乃可有堅忍之心昇天爭久  
目疾如此急宜戒酒儻不能禁熱氣種首昏乃奪明瞳人失守  
偃偃何之那知日柳沉酒之毒如鴆入口甘心無目愚真寡偶  
刺血書詩以絕紅友

夢觀出葬岳少保圖冊

夢裏披圖見鄂王西窗片紙恨咸陽復官改葬帝爲泣苦雪愁  
雲天亦傷高廟緣何任虺蜴中原從此滿豺狼阿誰痛惱傳遺  
蹟使我肝摧涕溼裳

憶昔南游謁淵祠拜侯遺像少季姿何期兩頰須張戟想見盈  
腔血瀝絲奸黨厚顏應辱鐵書生饒舌竟扇鴟訟寃太學雙聚  
士風馬雲車定鑒之

會送羅輶到水濱遲羅宰相是何人招魂易灑靈時淚涅字難  
留報國身未到黃龍訓痛飲翻教白雁厲蕭辰憐忠有詔嗟何  
補后土皇天泣虎臣

恨不昇侯生並世叫閻騫鑣救侯軀環尋隗順盈衿血刃挾施  
全奮臂呼在魯紅羊成大劫到今丹荔祀通都籲天有錄誣終  
辨慘澹風雲起画图

寄邱叔山

煌

太守



載馳五馬出青門  
恨我難陪笑語溫  
馮翊原爲三輔郡  
趙韓功業至今存

肘此黃銅盤  
綬長升沈感慨  
定能念下車  
先靜哀鴻響  
惠政堪

追稽遂良

時患潦

關心時事有書陳  
未若宣風惠下民  
沉復君家高閣在  
新詩定

可寫長春

同郡有邱處機長春閣

此地偏宜看  
崑山朝來挂笏對  
煙鬟明星玉女  
仙人掌都入君

侯筆墨間

肥甘舊說苦泉  
半沙苑蒺藜性  
又良欲補三秦  
辛氏記濡藥可

否憶顛張

梅花官閣瀾皋盧爲政風流笑腐儒試到馬遷祠裏看隨清娛

像尙存無徐香珏同季典郡日樹屬其重修太史公祠並補塽隨清娛像

往歲輕騎訪盛苞高齋十日醉松醪三峯眞面裏端出回首都

成夢影泡庚申夏訪盛孟陽太守孟陽爲寫夢山圖以贈

黃河濁瀉心偏潔嶽嶽高懸政自平誦得容松李侯句使君今

日續循聲李小松學士之父容松先生爲守口以此聯縣聽事

塞翁失馬詩寄湯敦甫金釗同季

魯北魏高允邃天文厯數而勁風直節冠於當時方崔

浩史禍佗世祖震怒太子晃爲言昇高允無涉又昇允

言但勿承我自救卿及廷訊允言臣所佗較浩爲多世

祖曰如此罪不可赦太子在旁叩頭言天威震懼允小  
臣恐懼言語失次允曰臣未嘗昏亂實是如此世祖曰  
此亦人情所難遂原其罪允昇座威段承根相善承根  
嘗贈允四言詩六章文詞甚美允嘗作塞上翁失馬詩  
並序詩今不存讀其序蓋有慨乎其言之余因作塞翁  
失馬詩六章

繫此塞翁奚爲失馬有樞有筭有駟者孰解其維亡入塞下  
鄉人來弔咨嗟廣廈翁則不憂笑言灑灑安知非福心焉整暇  
繫此塞翁失馬復回左馳右突昇駿偕來霜疏星目千金置臺  
鄉人來賀咸曰龍媒翁則不喜太息嗟嗟安知非禍造化誰猜

繫此塞翁幸得其良子也好騎臂用折傷鄉人來弔翁曰其常  
安知非福不材孔祥胡人入塞戰者死亡賴以跛故得漏鋒鋌  
智哉塞翁理數合明燭照龜卜囊髮如衡得喪一致心乃不撓  
保其家室坦步夷庚子全馬在鄉人共驚大湫之性虛鏡之情  
達哉塞翁焯然不惑禍福倚伏平機獨測馬旣區區子亦墨墨  
聽其適然不逆不億彼何人斯能爲鬼蜮惟靜故安知道定力  
大哉塞翁天清地曠色色形形一空翳障逝可復來無庸讐況  
甕雞井蠅所見不亮翁獨昭昭鄉人息飭李耳精苗羹平莫尙  
高允詩序言  
塞翁姓李

讀史

屈原底事問蒼天  
流放荒江已有年  
讒佞子蘭偏用事  
忠臣竟作水中仙

下瀨樓船果若何  
戰功比似亦無多  
呂嘉逃海終能獲  
不偕飛廉卷大波

衣帶如繩欲縛誰  
廷臣是此失朝儀  
御岸伸腳殊無禮  
值得孫君剝面皮

癡兒不了公家事  
種菜雲卿那肯來  
坐見符離師十萬  
一時都化作塵埃

人人欲戰爾偏和  
受得金庭賄幾多  
可惜施全遲剗刃  
翻教老死見閻羅

九月游王恒一淳敬司馬亦園

花香鳥語足逍遙  
雨葉風枝破未寥  
況是深秋黃菊放  
那無好酒白衣招  
經年未到魚應大  
此日仍來犬不驕  
最羨君家衮師秀  
讀書聲已徹雲霄

嘉平月翟德門國培司馬過訪

已是喧闐臘鼓天  
君方紬繹呂刑篇  
春遲卻被梅花覺  
筆凍翻教紙背穿  
鶴夢清寒霜骨健  
松醪溫暝玉波圓  
此時張籍真無賴  
忽聽敲門喜欲顛

壬寅立夏之杳夕  
夢趙人姑布子卿  
問食甚悉醒而紀之  
恠君來入夢  
怒我嬾題詩  
逡巡敬致謝  
底事悲念爲我友  
王比

部詠史寄懷思依韻車中和非敢棄如遺儻不鄙嬾翫暇當寫  
芳規子卿顏少懸危坐拂頰髭我乃肅衣問幸告釋惘疑君生  
春秋季去古千載期堯舜禹湯形貌何由知東門見尼父胡  
不親致辭曩曩喪家狗母乃涉哈欺子卿嘿無語攜我下階墀  
額首仰蒼天星斗光陸離長揖出門去晨雞三號時悔未乞我  
相茫茫何所之

寄富海颿

泥揚阿

制軍

六季分陝服鎮靜得咸平歲美登禾稻時和鬯老嬰諸司金法  
守學子石經橫歎化元機運無須赫赫名

政理

帝心懼全秦付奠安提封規萬里軍制邁三單青海波仍恬黃  
河濶本寬公餘頻點筆唐述好煙巒

丹詔出朝堂知人仰我

皇輯綏紆

聖慮祲帶控巖疆德裕鑄邊策羣衆活國方書生慙載筆丕績  
在旂常

走也寓青門荷公時問存季鷹容杜南諸葛識張溫無奈情疏  
嬾難忘德厚垠西雲翹首望欲效鵬鸞

猶稔是腐儒薦士定瞿瞿太史吾宗秀文名日下都沉逢勤吐  
握而敢吝揚榆憶曾譚經日諸公据竈觚

余主講蘭山制府爲  
長懋亭繼之者和太



算松湘浦  
郝釋堂師

贈別意何長老坑端覩良所嗟筋骨憊永示子孫藏八水滌洄  
處五泉環沸旁裊裊增悵惘一日幾回腸

連日酷暑忽得大雨爽甚有作

宛在壽麻中驅蟲腕力窮灑然飛好雨永夜響丁東竹簟忽嫌  
冰葛衫仍怯風夕陽猶按字頭腦未冬烘

紀所聞

唐世不聞有河患都緣蕃鎮界臨河王朝謁者無庸設也竟平  
率水晏波

閒來卻讀五行志河決頻仍亦大書不費金錢瓠子噓非調善

計欲何如

顯北地李空同詩集後

莫謂秦無人孟陽氣蓋代通侯落齒牙副使鏤項背盛氣之所  
陵瑣瑣咸毛戴韓文倩奏章中害讐大憖矯詔置獄中虎難須  
臾貸對山權救之天地此身在艱來謁比千灑酒詩慷慨惟公  
氣能伸文筆遂雄邁俯視同時賢後世焉能逮嗟予生也晚才  
又江淹退俛仰此人閒竹素託千載鬱律望空同執鞭意亦悛